

Q. D. B. V.

DISSERTATIO IN AVGVRALIS MEDICO-
CHIRVRGICA

DE

SCLOPETORVM
VULNERIBVS,

vulgò

Schuß = Wunden/

Quam

Consensu & Authoritate Illustris Facultatis Medicæ
in inclyta Salana,

PRÆSIDE

RV DOLFO WILHELMO
CRAVSIO,

Heredit. in Mellingen / Phil. & Med. Doct. Pract. & Chim. P.P.
longè celeberrimo, facultatis medicæ Seniore gravissimo,
S. R. I. A. N. C. Collega primario,

Patrono & Præceptore suo maxime devenerando,

PRO LICENTIA

Summos in Arte Medica HONORES, Insignia & Privilegia
DOCTORALIA, more Majorum,
solenniter obtinendi,

publicæ disquisitioni subjicit

LVDOVIC. CHRISTOPH. GVCKELINVS,

Ottveilensis Nassolicus.

In Auditorio majori, Horis ante- & pomeridianis.

ILLVSTRISSIMO ET CELSISSIMO
COMITI AC DOMINO
DOMINO

PHILIPPO REIN-
HARDO

Comiti Hanoviensi, Rineccensi
& Bipontino,

DOMINO

Münzenbergæ, Lichtenbergæ &
Ochsensteinii &c.

Archimareschallo Hereditario,
&

Præfecto sublimiori

Argentoratensium,

Comiti & Domino suo clementissimo.

S.

ILLVSTRISIME & CELSISIME
COMES,

Domine Clementissime,



*Ulla haectenus sollicitè inquiren-
ti & omni voto exoptanti sup-
petiit occasio, quâ Tibi, Illu-
strissime & Celsissime Comes,
mentem meam devotissimam,
perennemque subjectissimam*

*observantiam declarare licuit. Hanc, cum
jam affulserit, non amplecti piaculum foret. Te-
meritatis quidem non exigua tenuis ego argui
possem, dum levissimas hasce plagulas Dispu-
tationis Inauguralis, cultus devotissimi testes,
ad pedes Tuos humillime deponere audeo. Ex-
cusat vero illam, si non plane annihilat, solitus
ille favor, quem Illustrissima Tua Celsitudo
literis & artibus liberalibus operam navanti-
bus clementissime impertit. Magis praterea*

me

*me confirmavit, ut hoc moliar, quam deterru-
it immensa & immerita, quâ B. Parentem
semper, & me indignum non ita dudum proli-
xissime beasti, Clementia, cui ex merito de-
predicandæ impar sum, verborum eandem sa-
tis exprimentium penuriâ laborans. Quocir-
ca devotissimo animo obtestor: suscipe exiguum
hoc munusculum, Illustrissime & Celsissime
Comes, serenâ fronte, dignare Clementissimo
Tuo Affectu ulterius subjectissimam meam te-
nuitatem, quæ DEVM supplex calidissimis fa-
tigat precibus, ut Illustrissimæ Tuæ Celsitudi-
ni cum Serenissima Coniuge Vitam longævam
ac felicem, Regimen placatum, Pacem auream,
concordiam, sanitatem inconcussam, & exopta-
tissima Illustrissimæ Domus Incrementa beni-
gnissimè largiatur.*

ILLVSTRISSIMÆ TVÆ CELSI-
TVDINIS

humillimus & subjectissimus servus

Ludov. Christoph. Guckelinus.



PROOEMIUM.



Perniciem inter machi-
nas bellicas, quas in perniciem
mortalium, homo an diabolus di-
cam, nescio, excogitavit, non infi-
mum locum obtinent sclopeta.
Quot, quantasque læsiones Ma-
vortium hoc instrumentum, mi-
nori licet globulo, sed impetum
ingentem, & celeritatem cursus à
pulveris pyrii accensione accipiente, efficiat, nemo forte
ignorat? Ettamen crudelitati huic, quam invicem homines,
non homines, quotidie eheu! exercent, benignissimus D E V S
prospexit aptis medicamentis, & inprimis [medicinæ parte,
antiquissimâ CHIRURGIA. Hujus præclaræ artis digni-
tas, quam genuinus medicus omninò callere, &, si necessitas
efflagitet, etiam exercere potest & debet, me allexit, ut V V L-
NERA SCLOPETORVM pro Disputatione Inaugu-
rali examinanda mihi elegerim. Moneo tamen in anteces-
sum me principaliter *sclopetorum usitatorum minorum* Vul-
nera, quibus bombardarum quàm proximè accedunt, brevissi-
mè, & in synopsi quasi pertractasse, adæquatè verò, cum nec
causa, nec curatio adeò multum varient, tormentorum quo-
que minorum, majorumque mortariorum catapultariorum,
granatorum ignivomorum, aliorumque læsiones huc referri
queunt. Adsis, Benigne D E V S, Spiritus S. tui gratiâ cona-
tibus

tibus meis! Tu verò, B. L. materiæ hujus difficultatem perpende, & si non ubivis perpolitata omnia deprehendes, judicio modestiam, quæso, associa.

§. I.

Posito externo violento, improporcionato, cedere nescio, partium ab invicem unitatis solutionem in totâ fabricâ humanâ consequi necessum est.

§. II.

Hinc *VVLNVS SCLOPETARIVM* est *morbussolutæ unitatis, ab extra contingens, cum contusione, perruptione, ac sæpius ossium fracturâ, à sclopetorum glande inducta.*

§. III.

Differt quidem quodammodo à vulneribus cæsim, & κατ' ἐξοχήν punctim inflictis, tum quoad subjectum, tum quoad causam, symptomata & curationem; sed si modum figuræ respiciamus, posset dici, quod sit *vulnus compositum ex contusione & puncturâ*; Vulnus enim inflictum globulo, hujus latitudinem interdum planè, aut ferè adæquat, id quod in puncturis contingere solet.

§. IV.

Subjectum horum vulnerum primarium partes molles, adæquatum duræ constitunt.

§. V.

Partes *molles* magnam habent in medicis latitudinem, & complectuntur sub se quascunque partes corporis consistentes, exceptis solis ossibus, quæ *duræ* audiunt.

§. VI.

Causa horum vulnerum semper est externa, apta continuum solvere: nimirum res quædam vi pulveris pyrii accensæ sclopeti fistulâ ejaculata; solent enim interdum globuli plumbei, ferrei, stannei, argentei, ir. lapilli, & alia plura sclopetis indi, in frequentiore tamen usum veniunt globuli plumbei, de quibus hîc potissimum sermo nobis est.

§. VII.

Veterum sententia, globulum hunc à pulvere pyrio *igniri* quasi, & *ambustionem* vulneribus sic inducere, nullo modo locum habere potest.

§. VIII.

Constat enim *plumbum*, ex quò ut plurimum confit, ab igne non ita forti statim fundi; si igitur hoc verum est, uti est verissimum, non potest igniri, nec consequenter adurere.

§. IX.

Nullus etiam unquam ejusmodi globulo trajectus ustionis cujusdam sensum percepit, sed multos sæpius se vulneratos nescivisse, probatâ experientiâ notum est.

§. X.

Nec citatus motus per aërem globulum calefacere poterit, quod quidem vult *Langius l. 2. epist. p. 563.* Ut enim aliquid motu incalescat, dura corpora, quæ non tam facile cedunt, requiruntur, sic v. gr. ferra, quando ligna secant, incalescit, item lima, quando ferrum &c.

§. XI.

Nec indumenta transfossa, nec stupa, gossypium, charta, aut lintea, quæ tamen immediatè pulveri pyrio superponuntur; nec charta, vel linteum, quo vestiuntur (Germani vocant *gesütttert*) globuli plumbei, dum in sclopeti cannulam immitti solent, ulli ustionis vestigium accuratissimè inspicientibus ostendunt; (nigredo enim, si quæ se offert, à pulvere pyrio, & sorditie minus mundatæ sclopeti cannulæ est.) Taceo globulum sclopetarium, si in acervum pulveris tormentarii explodatur, nullo pacto ignem concitare, multo minus hinc caro comburetur. vid. *Paræus in Operib. Chirurg. l. X.*

§. XII.

Præterea adustio in tali materiâ moram requirit, citissimè autem perforat carnem glans plumbea, quare illam inferre nequit.

Cum humores ex maxima contusione & disruptione staminum carnis & vasorum capillarium partibus quasi sint impacti, nec refluere queant, sed stagnent, statim corrumpantur, & acredinem concipiant rodentem, oritur hinc ardor ingens, dolor, rubor, crustaque circa ora vulneris instar escharæ, quod veteres idem in aliis contusionibus gravioribus, rosionibus à cauteriis potentialibus factis v.g. in fonticulorum confectione cum ☿ Di, butyro ☿ ii &c. fieri forsitan non animadvertentes, adegit, ut adustionem statuerent.

§. XIV.

Concedo tamen adustionem interdum contingere, v. gr. si quis cominus globo percutiatur, ita, ut flamma pulveris pyrii accensi partem attingere potuerit, pili & caro omnino comburentur, quod tamen pulveri incenso, non item globulo, adscribendum: eminus verò si fiat, nego, illuc enim pulveris hujus vim comburentem pertingere non credibile est. Vid. *Francisc. Peccerii Oper. Chirurg. l. II. c. LXXXI. de vulner. sclopet. Waldschmid. in not. ad Chirurg. Barbette, & Doleus in Encyclop. Chirurg. l. VI. c. V.*

§. XV.

Dari vulnera venenata, sclopetorum etiam, negari nequit, exemplum legimus apud *Timæum von Guldentlee cas. med. 40. l. 6. p. 303.* de vulnere femoris sclopeto inflicto lethali, ob globulum venenatum; veruntamen frustra sunt, qui cum *Joanne de Vigo & Alphonso Ferrio*, celeberrimis de cetero chirurgis, quævis talia promiscuè intoxicata arbitrantur.

§. XVI.

Aut enim venenum illud quærendum erit in pulvere pyrio, aut in glande plumbea; at in neutra reperitur, ergò hujusmodi vulnera absque omni sunt veneno, vid. *Botall. de sclopetor. vuln.* ubi Ferrium egregiè refutat.

§. XVII.

Olim, ob nondum satis ex cultum Chimiæ studium ☿ &

& \odot , (quæ cum carbonibus elementa pulveris pyrii constituunt) pro venenis habebantur, hodie verò toto die magno cum fructu, imò ipse pulvis pyrius, interius assumuntur, & aliquibus quasi panacea sunt.

§. XVIII.

Id seu plumbum ex suâ naturâ nullam venenatam qualitatem habet, cui assertioni præter alia fidem faciunt tot egregia ex illo parata medicamenta.

§. XIX.

Vehementiora symptomata, quæ vulnera hæc statim insequuntur, nec in aliis æque cernuntur, multos olim seduxere, ut aliquid veneni conjunctum statuerent, quod tamen non ita est; tam cita enim gangrænæ & sphaceli præsentia, ex violenta illa contusione profundiori & diverberatione deducitur. Taceo cacochymiam, dispositionem scorbuticam, aliasque causas antecedentes & in corpore latitantes hæc ipsa multum promovere posse.

§. XX.

Differentiæ vulnorum sclopetorum cum ad curationem plurimum faciant, meritò sedulo & curiosè indagandæ.

§. XXI.

Sic magni refert scire, quonam globulo læsio fuerit facta, num plumbeo, æneo, ferreo, lapideo, chartaceo masticato, majori, minori, minimo? an glande tormentariâ grandi, an maxima, an granato manuario &c.

§. XXII.

Hinc alia magna sunt, alia parva, alia superficialia, & in cute saltem, alia magis profunda, cum partium internarum læsione, dilaceratione vasorum, & generis nervosi, aut ossium comminutione.

§. XXIII.

Tandem locus affectus illa multum variat, ut quædam sint capitis, quædam thoracis, quædam abdominis, quædam artuum vulnera, alia causam continentem, h. l. glandem plumbeam conjunctam habent, alia non item.

§. XXIV.

Supervacaneum videri posset *signa* vulnerum sclopetorum enumerare, quum sensus incurrat ipsa læsio; attamen sæpe accidit, ut ob violentum impulsu globulus viscera hæc illave interna perterebret, quare signa horum penitus lustrare consultum erit.

§. XXV.

Cranii, meningum, ipsiusque cerebri læsi signa sunt vomitus biliosus, per os, nares, & aures, quandoque sanguinis fluxus, vertigo, loquelæ defectus, sensus & motus privatio, lethargus, febris, delirium, spasmus &c.

§. XXVI.

Si sanguis spumofus tussi rejiciatur & per vulnus cum flatu emanet, dispnoëa, laterisque dolor adsint, facies modò palleat, modò rubeat, pulmonem tactum esse arguendum.

§. XXVII.

Ex maximâ profusione sanguinis per vulnus egressi, pulsu debili & parvo, faciei pallore, sudore frigido & syncope, cordis vulnus colligitur.

§. XXVIII.

Diaphragma læsum est, si æger difficulter spiret cum multa tussi, pondus quasi eo loco consistens sentiat, per vulnus sanguinis spuma elabatur, & paraphrosyne succedat.

§. XXIX.

Ventriculo perforato, assumpta parum cocta cum chilo per vulnus exitum quærunt, vomitus adest biliosus, appetitus dejectio.

§. XXX.

Pertuso glande dextro hypochondrio, si magna hæmorrhagia fiat, dolor pungitivus, vomitus, urina, & alvi excreta interdum sanguine tincta subsequantur, de læsione hepatis cogitandum. Quod si, sinistro perforato, eadem ferè symptomata conspiciantur, lien vulneratus erit.

§. XXXI.

Repetita urinæ redditio, eaque semicruenta, dolores lumbo-

lumborum ad pudenda usque se diffundentes, renes vulneratos monstrant.

§. XXXII.

Si violentiam experta sunt intestina tenuia, chylus cum bile mixtus per hiatum egreditur, læsio supra umbilicum; si verò crassa, ingens foetor, aut scybala ipsa exitum per vulnus moliuntur, tormina adsunt, læsio infra umbilicum.

§. XXXIII.

Vesicâ vulneratâ □ cruenta mingitur, vel per vulnus quoque excernitur, dolore ad ilia protenso.

§. XXXIV.

Quod si in artubus vel alibi arteria lacerata est, sanguis cum saltu profilit, syncope instante: si vena, hæmorrhagia magna; si autem nervus concussus fuerit, intolerabilis dolor, motus amissio, inflammatio, gangræna, febris, motus convulsivi in promptu sunt; plura de signis vulnorum, singulatum partium vid. *ap. Georg. Bertinum medicinæ l. 13. c. 7. p. 362.*

§. XXXV.

Vulnus justo diutius absque causa manifestâ apertum, nec consolidationem admittens, vel si admiserit, statim recrudescens, ossis cujusdam comminutionem ab impetu glandis factam denotat, aut aliquid ab extra illatum, quæ quâmdiu nō abscedunt, & protruduntur, tamdiu chirurgi firmam curationem sperare nequeunt.

§. XXXVI.

Symptomata statim post inflictum vulnus præter solitum graviora, inprimis virium subitanea prostratio, cordis anxietas cum sudore frigido, vulnus venenatum arguunt.

§. XXXVII.

Prognosis ut omnis secundum Hippocræt. i. *apb. 1.* ita hîc inprimis circa vulnera sclopetorum difficilis est.

§. XXXVIII.

Vulnera hæc reliquis quidem semper sunt periculosiora, attamen adactâ glande in partem carnosam, non ita intimi-

us, absque vasorum majorum, nervorumque divulsione, si chirurgus prudens, quæ sui sunt officii faciat, & adstantes cum ægro se ritè gerant, non tam magnum timendum est periculum.

§. XXXIX.

E contra verò periculosa valdè judicanda illa, & ut plurimum lethalia, ubi intimior glandis penetratio partem quandam principem vulneravit, v. g. cor, cerebrum, pericardium, ventriculum, pulmonem &c. *Hippocr. VI. aph. XVIII.*

§. XL.

Si verò majora vasa hepatis, lienis, pulmonis illæsa fuerint, vulnera ejusmodi curari queunt, non tamen absque periculo; facile enim, si pulmones vitiatos non ritè tractes, phthisis succedit.

§. XLI.

Nulla capitis vulnera, etiamsi levia appareant ab initio, periculo carent, quod dudum monuit *Cous libr. de vuln. capit.* quia ob cutem densiorem humores extravasati non tam facile transpirant, & sic meninges citissimè gravantur, & inflammantur. Quo verò læsio major, eo majus quoque periculum.

§. XLII.

Vesicæ & diaphragmatis vulnera in parte carnosâ non tam periculosa, ac in membranaceâ.

§. XLIII.

In thoracis vulneribus, si sanguis extravasatus in cavitate stabulatur, periculum notat; putrescat enim necessum est, & sic centena oriuntur mala.

§. XLIV.

Convulsio & syncope vulnerum funesta sunt symptomata, præcipuè si à causâ privativâ, v. gr. hæmorrhagiâ nimia fiant, *Hippocr. V. aph. II. III.*

§. LXV.

Vulnus in articulationibus seu juncturis nunquam parvi habendum, nam ob nervum sive tendinem læsum inflammatio, gangræ.

gangræna, & ni caveas, sphacelus superveniunt, ichor etiam ulcerum serofus, consolidatio retardatur, fitque ulcus sordidum, vel fistula.

§. XLVI.

Si caries os occupaverit, vel si idem à glande perterritum fuerit, aut planè non consolidatur vulnus, aut si fit, per aliquot menses, immò annos quandoque, per particulas ossis separatas aperitur, quod quidem non adeò periculosum, veruntamen ægro permolestum. Idem accidit ubi cum glande vel charta, vel linteum, aut simile quid in vulnus raptum fuerit, ibique hæreat.

§. XLVII.

Si contusio non esset conjuncta his vulneribus, curatio cum reliquis fere esset communis.

§. XLVIII.

Curatio est vel externa, vel interna, illa Chirurgo, hæc Medico præcipuè competit.

§. XLIX.

Methodus medendi ordinaria quinque indicationibus hic absolvitur, I. extranea sunt removenda, II. caro contusa in pus vertenda, III. deperdita restauranda. IV. separate partes uniendo. V. Symptomata imprimis urgentia à medico & Chirurgo præcavenda sunt aut mitiganda.

§. L.

Extranea vulneribus inhærentia late se extendunt, & eximuntur vel digitorum apicibus, si nempe possibile, vel vossellis varii generis, quædam ultrò, cooperante natura, extravertuntur, ut osium fragmenta. Globulum verò, statim in initio, antequam inflammatio accedat, cum minori dolore id fiat, quàm deinceps, si possibile, apto instrumento (vid. Scultet. in armament. Chirurg.) chirurgus extrahet, nisi forsan videat, post extractionem nullam spem vitæ superesse, tunc enim consultius est extractionem non tentare, ne ægro mortem accelerasse inculpetur.

§. LI.

Scire verò interest, quousque pertigerit in corpus globulus, quod vel specillo, vel candela cerea minori exploratur, ampliatio etiam pro exigentia per sectionem vulnere.

§. LII.

Necessum quoque est, ut antea eò situ locetur æger, in quo erat, cum fuerat vulneratus, præsertim, cum in cavitates corporis vulnus penetraverit; alias enim ob variam musculationem vel elongationem, vel abbreviationem, peregrinum nec explorari, nec evelli potest, & sic egregiè decipitur chirurgus, quâ de re nobiliss. D. Schelhammerus, Patronus & Præceptor meus colendissimus, nunc in Academia Cimbria Professor primarius, & Sereniss. Duc. Schleswicens. Archiater, in lectionibus Chirurgicis privatis fedulò nos admonuit.

§. LIII.

Quod si globulus usque ad oppositam partem ferè pertigerit, melius excinditur, si absque magna hæmorrhagiâ & nervorum, tendinumque læsione fieri potest, quàm ut per longum tractum maximo cum dolore educatur, sin minus, in parte reliquendus, si fuerit plumbeus.

§. LIV.

Antequam verò ad hanc operationem deveniat chirurgus, hæmorrhagiam, tanquam symptoma urgentissimum, prius ut compescat ex re erit, quare selectiora ~~ex causa~~ ipsi in promptu sint, v. gr. liquor stypticus externus, hodie maxime decantatus, pulveres styptici varii, ex gum. Arabic. tragacanth. sang. dracon. ∇ Japon. bol. armen. lap. hæmat. mum. spern. Croll. aloë, usn. cran. human. erepiti. lupi, ∇ Ol. dulc. Olo ipso, Oe, &c. vulnere vel per se inflandi, vel turundis inspergendi, vel cum album. ovi concorporandi. Sangvinem agninum torrefactum & subtilissime pulverisatum c. tragacanth. croc. & adstr. & Oe mixtum, superimposito emplastr. incognito, vel cerato de pelle arietina, Arnoldi de Villa nova summe æstimat *Mindererus in Medicin. Militar. p. 339.* Pannum xylinum usum cum albumine ovi exceptum, posito desuper crepitu

crepitu lupi & cum spleniis deligatione factâ, arcanum esse dicit *Magnif. WEDELIVS*, *Evergeta*, *Patronus* & *Præceptor meus ad cineres etiam devenerandus in Amœnit. Mat. Med. pag. 508.*

§. LV.

Nec cauteria actualia respuenda, si necessitas urgeat.

§. LVI.

Si æger plethoricus, nec adeò multum sanguinis antea profusum sit, maximè conducit V.S. revulsoria: sæpè verò non statim sistenda hæmorrhagia vulnerum, cum multa sic symptomata, in primis inflammatio, præcaveantur.

§. LVII.

Optimus liquor stypticus est $\sqrt{}$ rectificatissimus, arteriarum & venarum vulnera mirifice claudens, cujus rei primus experimentum fecisse dicitur *celeberrimus Bobnius, Professor Lipsiens. vid. act. eruditor. Anno 1683.*

§. LVIII.

Cum dolor inter reliqua symptomata etiam urgeat, blandè emollientia & paregorica conveniunt, v.gr. fieri potest linimentum ex \odot hyoscyam. chamomill. lumbricor. aneth. petr. alb. c. album. ovi, vel ungent. anod. & croci parum tepide circumlinendum.

§. LIX.

Jam caro contusa in pus transmutanda requirit suppurationem promoventia, inter quæ excellit unguentum digestivum chirurgorum, cui post aliquot dies remisceri potest unguent. *Ægyptiac.* vel fusc. *Würzii*, vel Φ præcipitat. alum. ust. \oplus l. alb. ad hypersarcosin præcavendam, quo vel turundæ circum circa illinuntur, vel, si spissius paulò reddatur unguentum, ipsū in turundam efformari potest, non sine stratagemate.

§. LX.

Si puri exitus denegatur debitus, alibi collectum acredine sua carnes corrodit, unde ulcera sinuosa & fistulosa consurgunt; si in capite hoc contingit, præsentē fracturā, pus intra cranium concedit; illud ergo dilatationem vulneris & injectiones ex traumaticis & catharteticis, hoc trepanationem exposcit.

§. LXI.

Quando pus laudabile non generatur & vulnus colorem lividum, fuscum & quasi nigrum cum foetore ostendit, gangraena imminet, cui medetur \mathcal{V} camphorat. quo imbuta lintamina, saepius repetita, imponuntur; addi potest \mathcal{R} theriacal. vel theriaca ipsa, \mathcal{O} Si foetid. unguent. alb. camphorat. de lithargyr. Decoctum nigr. chirurgor. non omissis internis quoque medicamentis. In confinio profundior scarificatio non frustra instituitur, parte hinc aceto fortiori calido ablunda, vid. praëlaudat. *Waldschmid. l.c.*

§. LXII.

Sphacelus citam opem desiderat, illiniri potest \mathcal{O} caryophyllor. camphor. petr. alb. si verò non statim juvent hæc medicamenta, heroica operatio, nimirum membri abscissio, nec pars sana trahatur, aggredienda, de qua chirurgos consule.

§. LXIII.

Sæpius spasmus negotium facessit, unde tum pars affecta, tum spina dorsalis, & junctura inungenda \mathcal{V} gr. balsam. de Peru, pingued. castor. unguent. nervin. \mathcal{G} at. liniment. nervin. Wed. \mathcal{O} juniper. petr. alb. rut. spic. ver. succini &c. superimpositis fotibus ex nervinis.

§. LXIV.

Vulnere consolidato, si membrum contabescat, frictiones linteis calidis instituenda, quo sanguis advocetur, non omissis linimentis ex \mathcal{R} lumbricor. juniper. lil. convall. rorismarin. terebinth. sambuci, pingved. castor. unguent. Hartmanni in praxi descript. aliisque.

§. LXV.

Quæ moderatè siccant, sunt sarcotica, ut ceruss. lithargyr. myrrh. plumb. ust. pulv. fol. aristoloch. long. unguent. diapompholyg. Ægyptiac. f. & c. balsam. vulnerar. Mindereri, & imprimis quoque \mathcal{O} Si foetid. vulnerum horum balsamum, egregium.

§. LXVI.

Cum sæpe in vulneribus, articulorum præcipue, synovia oriatur,

oriatur, ungv. fusc. Wurzii cum turundis calidè applicatum proderit, addi possunt balsam. de Peru, vulnerar. Minderer, magister. alumin. ☿ ☉ li dulc. aliaque.

§. LXVII.

Sæpenumero quoque occurrit ossium caries, quare ante omnia, si opus, vulnus radice gentianæ vel sectione dilatandum, cauterium actuale, vel potentiale per pulv. euphorb. vel ol. caryophyllor. applicandum, vel scalpro os abradendum tamdiu, donec album appareat.

§. LXVIII.

Nervi vel tendines vulnerati à medicamentis calidioribus & siccantibus levamen accipiunt, uti sunt ol. terebinth. castor. petr. alb. & rubr. ☿ ipse, balsam. de Peru, opobalsam. unguent. nervin. fusc. Wurzii.

§. LXIX.

Jam adstringentia & potentius exiccantia, aliàs epulotica dicta, in censum veniunt, quæ sunt v. gr. æs ust. lot. tutia prepar. sacchar. Cornu. cerv. ust. lap. calamin. unguent. diapompholyg. emplastr. gryf. de min. lap. calaminar. opodeldoch.

§. LXX.

Si justo diutius sarcotica continuantur, adhibitis epuloticis, fœda & eminentior cicatrix inducitur, cava verò fit, si citius à sarcoticorum usu desistamus, utrumque chirurgus in ignominiam cedit.

§. LXXI.

Pro natura partis affectæ medicamenta quoque variant, sic vulnera capitis omnia humida, exceptis dissipantibus, oleosa, pingvia, etiam unguentum digestivum ipsum, respuunt, quæ tamen reliqua facile ferunt.

§. LXXII.

Sacculi paregorici, discutientes, ex plantis nervinis, sale volatili oleoso imprægnatis, cum vino cocti & calidè applicati summi usus, tum alias, tum imprimis in vulneribus capitis, ubi grumofus sanguis præsumitur.

§. LXXIII.

Artificiosa vulneris deligatio commendat chirurgum, cum

facile peccari possit, job quam causam *Cous lib. de off. med. & lib. de fractur.* eam tam sedulò inculcavit; si enim fasciæ nimis strictæ sint, statim adest dolor, inflammatio, gangræna, quod benè notat *Job. van Horne in Microtechn. pag. 29.* si nimis laxæ, major humorum fit affluxus, quod præcipuè valet, si fractura simul adest, quo casu emplastr. contra fractur. semper reliquis adjungendum.

§. LXXIV.

Medicus tum symptomata præcaveat, vel si jam adsunt, avertat, tum consolidationem internis medicamentis quoque promoveat, ubique judicium practicum adhibendo.

LXXV. Ante omnia ne febris vulneraria fiat, caveat, quæ citissime vulnera hæc insequi solet: hoc præstant bezoardica volatilia, fixa & media, putredini resistentia, blanda diaphoretica, diuretica, resolventia, travmatica, aliaque. Sic mixtura fieri potest ex R. bezoard. Wed. travmat. ejusd. cum essent. anod. parum, quibus consulto quoque additur essent. myrrh. balsamica. Circa noctem prosunt magis bezoardica fixa v. gr. pulveres bezoardici cum lap. cancror. præparat. ♂ diaphor. corall. præparat. pulv. contr. cas. quorsum refer electuar. diascord. Fracastor. medicamentum egregium.

LXXVI. Hæmorrhagiâ externorum vim præter spem eludente, ad interna medicamenta sangvinis ὀγκυσμὸν compescencia confugiendum, qualia sunt. croc. ♂ adstring. sperniol. Croll. lap. hæmatit. omnia ☉ Osa, pulv. styptic. Heurn. Croll. Wed. cum laud. op. vel magist. anod. it. R ♂ adstring. ♀ Oli, anod.

LXXVII. Si cacochymia in primis viis stabulans arguatur, proderunt purgantia leniora, quæ materiam illam vitiosam totam M. S. inquinantem educunt.

LXXXVIII. Clysteres tum revulsorii, tum alii, in vulneribus, in primis capitis, egregie se gerunt.

LXXIX. Dolorum, fluxionum, & vigiliarum etiam h. l. divina remedia sunt opiata, modo vires ægri respondeant, nec absque humectantibus propinentur.

LXXX. In Gangræna & sphacelo incipiente principia vitalia probe

probe tutanda bezoardicis etiam volatilioribus, balsamicis & confortantibus, v. gr. R. bezoard. camphor. ꝓu corn. cervi, ebor. elixir. proprietat. essent. myrrh. balsam. lign. aloes, ▽borrag. bugloss. cinnamom. f. v. ebor. sine △ præpar. matre perlar. confect. alkerm. incompl. de hyacinth. &c.

LXXXI. Motibus convulsivis debentur castorina quævis, pulv. epilept. marchion. Cinnab. nat. & Sii, vel specific. cephalic. Michael. magister. cran. human.

LXXXII. Decocta vulneraria, ut est decoctum traumaticum in Pharmacop. Londinensi descript. non solum sangvinem alterant, vitiosum depurant, grumosum dissolvunt, putredinem inhibent, & characterem balsamicum consolidantem inducunt, sed & naturam ad expellenda peregrina egregie adjuvant, quale exemplum observavit *Magnif. WEDELIVS* in studioso globulo plumbeo in pede læso, vid. *Ejusd. Auenit. Mat. Med. p. 106.*

LXXXIII. Horum decoctorum materia sunt plantæ alcalicæ, detergentes, mundificantes, balsamicæ, resolventes, herb. agrimon. alchimill. cerefol. heder. ▽estr. millefol. virg. aur. pilosell. scabios. scord. veron. aristoloch. consolid. omnis flor. hyperic. balaust. rosar. rubr. bellid. additis pro re nata lignis medicis & post coctionem & colaturam sirupo vulnerario. Nec frustra quoque alcali omne acidum perimens, cordi habet *Job. Baptist. von Helmont.* quando lap. ꝓ cum vino bullitos commendat.

LXXXIV. Si vero corpora cacochymica, obstructions præsertim hepatis, lienis, mesenterii adsint, ob vim adstringentem & exiccantem nō adeo prosunt, sed potius dolores, tormina, hypochondriorum inflationes, scirrhus accersunt, quod sæpe se observasse scribit *Hildannus observ. de vulner. sclopeti ictu insid. pag. 942.*

LXXXV. Sex res nonnaturales, prout in usum veniunt, mirum quantum vulnerum consolidationem procurare, vel impedire queunt. Hinc *Dietæ* omni studio est observanda.

LXXXVI. Aër ambiens sit tepidus, temperatus; Cumque aër sit corruptor & conservator humorum, sedulo vulnera ab eo defenden-

fendenda, ne fores inflammationi, gangranæ, aliisque incommodis aperiantur.

LXXXVII. Victus tenuis vulneratis maximè competit, hinc cibi sint εὐχρηστοί, particulas γλυκεράς habentes, vitatis sedulo acris, acidis, dulcibus; falsis, muriatis, infumatis, aromaticis, quæ sangvinem rarefacere, ejusque motum promoveri valent.

LXXXVIII. Potus sit tenuis & magis aquosus, moderatus prorenata, nisi sitis urgeat; Vinum non æque, præterquam in adfuetis, multa quidem aquâ dilutum, concedendum.

LXXXIX. Cum optimum vulneratis remedium, juxta Celsum, sit quies, in lecto æger se contineat, nec motum temerè ineat, nisi dolores, aliaque symptomata cum damno experiri velit.

XC. Somnus nec excedat, nec deficiat, si dolor conjunctus major, somnus respectivè longior non nocet: Vigiliæ sedulo vitandæ, & quovis pacto arcendæ, si illæ ob immanem dolorem, vel feri defectum, ut in febribus, ortæ fuerint.

XCI. Quatenus variè commovent, turbant, expandunt, vel concentrant spiritus animi παθήματα, multum noxæ inferre apta nata sunt, quod h.l. de ira & tristitia in primis valet.

XCII. Excreta & retenta meritò in censum quoque veniunt, sæpissimè enim, si alvi adsit constipatio, pessimè habent vulnerati, quæ vel lenientibus vel clysteribus referanda. Ταύρον exercere vulneratis summè nocet.

Herculeas operas quemcunque subire necessum est,
qui vult, ceu TV jam, dignus honore frui!

*Sic honoris & affectus sinceri testandi ergo
ex animo applaudit*

PRÆSES.

Mille modos videas pereundi, mille medendi;
ingenium solers novit utroq, Tuum.

Honoris, Affectus & faustæ gratulationis ergo scrib.

Georg. V Volfgangus V Vedelius.